

強竊盜賊擬手指同盜窩主務要訪查其實

成化二十一年七月二十四日禮部等衙門  
題為建言民情事該聽選等官人等范正顏  
等建言事件會同各部都察院通政司大理  
寺六科給事中議得除有例見行及建言准  
在外數內六十九件合准所言宜役吏部等  
衙門查勘定奪奏奉

聖旨照例欽此

計開一直隸大名府濬縣純化里軍籍趙旺言

一件隙察仇辨冤狂以重人命事今有為強盜  
事發者有等平昔或因私情爭競田土異訟  
或因誘語諧言互相議對致生仇讎宿懷計

恨遇已盜情欺靈就行挾仇指攀或称同盜  
或称窩主官府中聞一時倘不知契據憑供  
說一槩捕捉混同刑責竊盜指攀屈招者枉  
受汚名或被囚禁身死者有之使役而亡者  
有之站累父兄妻子愧而自縊者有之強盜  
指攀者官府以死相嚇嚴刑拷訊在官一二  
日死者有之十日半月死者有之志不在輸  
監經二三年者有之坑累罄產蕩業者有之  
有遭典刑者有之死不復生冤魂豈能瞑目  
有被指攀被捉知竟逃匿地方終身不歸死  
於別處妻子流離異鄉父母失養者有之無  
辜之歟視聞不忍如蒙乞

勅刊剖行文各處軍衛有司今後捕捉盜賊務要鞫問明

白果係同盜曾係窩主訪察真實中間並無  
他陷方可捉拿審得清中果有仇隙亦要子  
細辨驗明白分豁如此人命不枉盜賊不得  
仇害

前件法司休擬通行